



## TIMOR-LESTE: ÍNDISE DEZENVOLVIMENTU UMANU (IDU) VALOR NO GRAU

Tabela tuir mai hatudu Timor-Leste nia nivel komparativu dezenvolvimentu umanu, esperansa moris ba kosok-oan ne'ebé moris mai, nasaun nia pozisaun dezenvolvimentu umanu iha mundu, populasau nia rendimentu média réal, no nivel kreximentu réal rendimentu brutu rai laran (GNI) no mós dezenvolvimentu umanu Timor-Leste nian.

Entre tinan 2005 no 2010, valór IDU Timor-Leste nian aumenta husi 0,428 to'o 0,506, iha aumentu ida ho porsentu 17 ka persentajen anuál nian aumenta maizumenus porsentu 3, 2.


Entre tinan 2005 no 2010, Timor-Leste nia esperansa moris bainhira partu aumenta liu tinan rua, maibé tinan eskolaridade no tinan esperansa ba eskolaridade nian la iha mudansa. Timor-Leste nia GNI per kapita sa'e porsentu 228 iha período ne'ebé hanesan.

### Progresu Timor-Leste nian iha Valor Dezenvolvimentu Umanu, tinan 2002-2010

Tinan	IDU	Grau IDU (Número husi nasaun sira)	Anuál % mudansa IDU nian	Esperansa ba moris	GNI pc (PPP, 2008\$)	Logaritmu (GNI pk)	Anuál % mudansa Logaritmu nian (GNI pk)
2000	n.a.	n.a.	n.a.	56,22	967	6.874	n.a.
2001	n.a.	n.a.	n.a.	57,06	819	6.708	-2,4
2002	0,375	120 (husi 140)	n.a.	57,83	823	6.713	0,1
2003	0,375	123 (husi 143)	-0,1	58,51	796	6.680	-0,5
2004	0,401	120 (husi 144)	7,0	59,13	1.105	7.007	4,9
2005	0,428	131 (husi 169)	6,7	59,69	1.617	7.388	5,4
2006	0,445	128 (husi 169)	4,0	60,20	2.087	7.643	3,5
2007	0,471	127 (husi 169)	5,6	60,68	3.178	8.064	5,5
2008	0,492	121 (husi 169)	4,6	61,14	4.692	8.454	4,8
2009	0,497	120 (husi 169)	1,0	61,60	4.996	8.516	0,7
2010	0,502	120 (husi 169)	0,9	62,06	5.303	8.576	0,7

Ita bele avalia didi'ak progresu tempu naruk nian relasiona ho nasaun ida kompara ho ninia viziñu sira; tuir área jeográfiku no valór IDU nian. Nu'udar ezemplu, iha tinan 2005, Timor-Leste, Papua Nova Giné no Birmánia iha valór IDU nian ne'ebé besik ba nasaun sira iha Ázia Leste no Pasífiku. Mezmu nune'e, durante período entre tinan 2005 no 2010 nasaun tolu ne'e iha grau progresu nian ne'ebé la hanesan hodi hasa'e sira-nia IDU (haree Figura iha kraik).

### Dezenvolvimentu iha Timor-Leste nia IDU tinan 2005-2010



Timor-Leste nia IDU tinan 2010 nian 0,502 menus husi média 0,650 ba nasaun sira iha Ázia Leste no Pasífiku. Ida ne'e mós menus husi média 0,592 ba nasaun sira ne'ebé iha dezenvolvimentu umanu médiu. Husi Ázia Leste no Pasífiku, Timor-Leste nia "Viziñu IDU nian" iha tinan 2010, n.e. nasaun sira ne'ebé ninia grau IDU no número populaasaun nian besik malu, mak Fiji no Ilhas Salamao ne'ebé ninia grau IDU nian ida-idak mak 86 no 123 (haree Tabela iha kraik). Timor-Leste mós kompara ho Malázia, nu'udar nasaun ida ho dezenvolvimentu umanu aas.

### Indikadór IDU Timor-Leste nian iha tinan 2010 Relasiona ho Nasaun no Rejiaun mak hili tiha ona

Nasaun	Valór IDU	Grau IDU	Espetativa ba moris bainhira partu	Esperansa ba tinan eskolaridade	Médiu tinan eskolaridade nian	GNI per kapita (PPP US\$)
<b>Timor-Leste</b>	<b>0,502</b>	<b>120</b>	<b>62,1</b>	<b>11,2</b>	<b>2,8</b>	<b>5.303</b>
Fiji	0,669	86	69,2	13,0	11,0	4.315
Solomon Islands	0,494	123	67,0	9,1	4,5	2.172
Malázia	0,744	57	74,7	12,5	9,5	13.927
Ázia Leste no Pasífiku	0,650	—	72,8	11,7	7,3	7.207
<b>Persentajen IDU nian</b>	<b>0,592</b>	<b>—</b>	<b>69,3</b>	<b>11,0</b>	<b>6,3</b>	<b>5.134</b>